

Sykkylven sokneråd

Møte i Sykkylven sokneråd 15. mars 2016

Stad: Sykkylven kyrkje, kyrkjekjellaren kl. 19.30

Desse møtte: Helge Standal, Torbjørn Støylen, Monica Breivik Orre, Liv Nordli Hole, Janne Beate Svindseth, Per Bjørnar Tynes og Knut Henning Aursnes.
Björg Djupvik Grebstad møtte frå sak 15/16.

Sak 12/16 Godkjenning av innkalling og sakliste

Vedtak: innkalling og sakliste vart godkjent.

Sak 13/16 Godkjenning av referat frå møte 09.02.2016

Vedtak: referatet vart godkjent.

Sak 14/16 Fokus-kurs på Angvik gamle handelssted.

Hausten 2014 var staben og sokneråda i Ikornnes og Sykkylven på eit kurs kalt FOKUS i Stavanger (sjå vedlegg). Dette kurset var svært inspirerende og ga mange tankar for vidare arbeid i kyrkjelydane. I ettertid har både Erlend Lunde og Helge Standal hatt permisjonar (Erlend 1 mnd. og Helge 2 mnd.) for å arbeide vidare med innhaldet i kurset, med siktemål om å tenke ein strategi for kyrkjelydsarbeidet i Sykkylven.

No arrangerer Misjonshøgskulen i Stavanger i samarbeid med Møre bispedømme eit nytt FOKUS-kurs, her i Møre, på Angvik Gamle handelsstad, 29.sept. – 1. oktober. (Merk at det er frå TORSDAG kveld, ikkje frå FREDAG kveld som det står i vedlegget).

Det nye soknerådet drøfta i førre møte om dette er noko for dei å vere med på, for å få del i same tankar og opplæring som det fleire i staben har vore med på i 2014.


Påmeldingsfristen er 1. april 2016, og påmelding innan denne fristen gir 50% redusert kostnad. Følgjande melde seg på kurset:

Helge Standal, Torbjørn Støylen, Janne Svindseth, May Lisbeth Aurdal, Björg Djupvik Grebstad, Per Bjørnar Tynes og Knut Henning Aursnes
Helge Standal høyrer om nokon frå staben vil vere med.

Sak 15/16 Årsmelding og rekneskap

Svein Erik Kampenes har skrive utkast til årsmelding for 2015, som vart lagt fram til soknerådsmøtet.

Vedtak: Soknerådet godkjenner årsmeldinga med små språkjusteringar og at det vert tatt med at soknet har vore utan ungdomsdiakon i 2015.



Sykkylven sokneråd

Sak 16/16 Utsmykking av kyrkjestova

Soknerådet ynskjer å opprette eit utval som skal sjå på kva som skal pryde veggane i kyrkjestova og garderobedelen nede. Ein kan vurdere om eksisterande lamper i kyrkjestova skal vere med vidare. Vi ynskjer at det som skal vere på veggane skal formidle noko som samsvarer med det bygget vi er i.

Vedtak:

Soknerådet gir utvalet mandat til å hente inn forslag på utsmykking av kyrkjestova og garderobedelen og legge dette fram for soknerådet. Soknerådet drøfta fram forslag til medlemmer til utvalet. Torbjørn Støylen får mandat til å setje saman eit utval.

Sak 17/16 Innkjøp av nye kasseroller til kjøkken

Dei fleste store pannene på kjøkkenet i underetasjen er av aluminium. Desse er no modne for utskifting.

Vedtak: Soknerådet løyver kr. 10.000,- til kjøp av nye panner.

Sak 18/16 Utsmykking av våpenhuset

Det har tidligare vore omsnakka at våpenhuset burde få eit anna interiør. Det har kome fram tankar om setegruppe, skjermar for informasjon osv.

Vedtak: Soknerådet ber utsmykkingsnemnda om å legge fram eit forslag til ny innreiing/utforming av våpenhuset med skjermar for informasjon og eventuelt setegruppe.

Sak 19/16 Misjonsutval

Det har og kome forslag om at misjonsutvalet skal dekke begge sokna i bygda.

Vedtak: Arbeidsutvalet får mandat til å oppnevne eit misjonsutval, enten saman med Ikornnes eller for Sykkylven åleine.


Orientering om:

Oppheng av ei ekstra garderobeplate i kyrkjekjellaren.

Årsmøte i Sykkylven sokn: 10. april etter gudstenesta.

Soknerådet vart orientert om at ungdomsdiakonen hadde sagt opp stillinga si.

Monica Breivik Orre orienterte om at ho ønskjer å få i stand eit breiare barne- og ungdomsarbeid. Soknerådet kom med råd og synspunkt på aktuelle kandidatar til dette arbeidet.



Sykkylven sokneråd

Møteplan for 2016:

Dato	Aktivitet
10. mai	
7. juni	Giverteneste: Kva gjer vi for å auke deltakinga?
2. september	Felles samling i soknerådet og staben på Orreneset
11. oktober	
8. november	
6. desember	Evaluering av året. Val av leiar, nestleiar og referent

Referent: Knut Henning Aursnes